



«TASDIQLAYMAN»

Sharof Rashidov nomidagi
Samarqand davlat universiteti
prorektori

H.Xushvaqto'v

«___» avgust 2023 yil

**“Mening startap loyiham” loyihalar tanlovining o‘tkazilish tartiblari
to‘g‘risidagi
NIZOM**

1. O‘zbekiston Respublikasi Prezidentining 2020-yil 29-oktabrdagi PF-6097-son “Ilm-fanni 2030-yilgacha rivojlantirish konsepsiyasini tasdiqlash to‘g‘risida”gi Farmoni, O‘zbekiston Respublikasi oliy ta‘lim, fan va innovatsiyalar vazirining 2023-yil 9-avgustdagi 351-son buyrug‘ida belgilangan vazifalar ijrosini ta‘minlash hamda universitetda faoliyat olib borayotgan yosh olimlar, doktorant, magistrant va iqtidorli talabalarni qo‘llab-quvvatlash, ular tomonidan olib borilayotgan ilmiy tadqiqot ishlarini, amalga oshirayotgan loyihalarini xalq xo‘jaligining turli tarmoqlariga joriy etilishiga ko‘maklashish, moddiy va ma‘naviy rag‘batlantirish maqsadida tashkil etilayotgan “Mening startap loyiham” (keyingi o‘rinlarda- Tanlov)tanlovining o‘tkazilish va baholash tartiblarini belgilaydi.

I. Umumiy qoidalar

2. Ushbu Nizom Tanlovining maqsadi, yo‘nalishlari va baholash mezonlarini belgilaydi.

2. Ushbu Nizomda quyidagi asosiy tushunchalar qo‘llaniladi:

Ishchi guruh - ilmiy izlanishlarning asosiy yo‘nalishlari bo‘yicha Buyurtmachining ilmiy siyosatini amalga oshirishga va ishlab chiqishga, “start up” loyihalarni baholashga, ekspertiza qilishga va natijalarini amalga oshirish ishlarini monitoring qilishga ko‘maklashuvchi, o‘z faoliyatini jamoatchilik asosida amalga oshiruvchi, yetakchi olimlar, ekspertlar, mutaxassislar hamda malakali mutaxassislaridan iborat ilmiy-jamoa;

“Startup” loyihalar - amalga oshishi yuqori bo‘lgan sharoitda yangi mahsulot yoki xizmat turini yaratuvchi innovatsion ishlanmalarning qo‘llanilishi, ko‘lami va tez o‘sish sur‘ati bilan farqlanadigan yangi biznes loyiha;

Talabnoma beruvchi (talabgor) - loyiha egasi va/yoki “startap” loyihani ishlab chiqqan shaxs.

3. Ushbu Nizomga muvofiq “startap” loyihalar Startup loyihalarini qo‘llab quvvatlovchi inkubatsiya markazi tomonidan qo‘llab-quvvatlanadi.

4. “Startup” loyihalar tanlovini e‘lon qilish Sharof Rashidov nomidagi Samarqand davlat universiteti tomonidan amalga oshiriladi.

5. “Startup” loyihalarni tasdiqlash, moliyalashtirish va amalga oshirish mazkur Nizomga muvofiq amalga oshiriladi.

6. Tanlovga o‘zlarining innovatsion startap loyihalari va g‘oyalariga ega iqtidorli talabalar, universitetda faoliyat yuritayotgan yosh olimlar va doktaranlar ishtirok etishlari mumkin.

7. Tanlov quyidagi yo‘nalishlarda bo‘lib o‘tadi:

- IT (axborot texnologiyalari) sohasidagi startap loyihalar,
 - Fan, ta'lim, ishlab chiqarish, savdo va xizmat ko'rsatish sohasidagi startap loyihalar,
 - Qishloq xo'jaligi, oziq-ovqat xavfsizligi, biotexnologiya sohasidagi startap loyihalar.
8. Elektron manzil orqali yuborilgan startap loyihalarining mualliflik huquqlarini buzilmaganligiga loyihani yuborgan talabgorlar mas'ul hisoblanadi.
9. Tanlovga topshirilgan loyihalar quyidagi mezonlar bo'yicha baholanadi:
- taklif etilayotgan g'oyaning originalligi;
 - ishlab chiqilgan loyihaning samaradorlik darajasining yuqoriligi;
 - taklif etilgan loyihaning amalga oshirilishi (start-upga aylantirilishi) ehtimoli kattaligi;
 - taklif etilgan g'oyaning amalga oshirilish muddati 1 yildan oshmasligi;
 - Taklif etilayotgan g'oya O'zbekiston Respublikasida mavjud o'xshash loyihalardan ajralib turishi lozim.
 - taklif etilgan loyihaning amalga oshirilishi ehtimoli kattaligi.
 - loyihaning innovatsionligi - avval qo'llanilmagan texnologiyalar va jarayonni tashkil etish prinsiplari yoki avval ishlab chiqarilmagan mahsulotning yangi qo'llanilish darajasi;
 - loyihaning investitsiyaviy jozibadorligi - qo'shimcha daromad keltiradigan hamda uni amalga oshirishda investitsiyalar xavfini kamaytiradigan qulay investitsion va innovatsion sharoitlar va afzalliklar yig'indisi.
 - intellektual mulk ob'ektlariga bo'lgan huquqning muhofazalanganligi - muhofaza hujjatlari, va/yoki ilmiy-texnik hujjatlarning to'liq komplekti va/yoki mahsulotning (texnologiyaning) texnik reglamenti, sinov o'tkazilganligi to'g'risidagi dalolatnomalar yoki mahsulotning tajriba nusxasi mavjudligi.
 - loyihaning resurs bilan ta'minlanganligi - loyihani texnik amalga oshirish imkoniyatlari (moddiy-texnik baza, xodimlar, muhofaza hujjatlari mavjudligi va boshqalar).
10. Loyiha muallifi ishchi guruh yig'ilishida "startap" loyiha taqdimoti bilan ishtirok etadi.
11. Ishchi guruh ochiq muhokama natijalari asosida "startap" loyihalarni moliyalashtirish yoki moliyalashtirmaslik yuzasidan qaror qabul qiladi.
12. Ishchi guruh xulosalari yig'ilish bayoni shaklida rasmiylashtiriladi hamda ilmiy-texnik kengash kotibi tomonidan imzolanadi va uning raisi tomonidan tasdiqlanadi.
13. Ishchi guruh a'zosi baholash jarayonida ko'pchilikning fikriga qo'shilmasa, o'zining alohida fikrini bildirishga haqli. Ishchi guruh a'zosining alohida fikri yig'ilish bayonnomasiga kiritiladi.
14. Ishchi guruh har bir "startap" loyihani ishchi guruh raisi yoki uning o'rinbosari ishtirokida ko'rib chiqadi. Ishchi guruh tomonidan "startap" loyihani moliyalashtirish yoki moliyalashtirmaslik to'g'risidagi qarori qabul qilinadi.

II bob. Yakunlovchi qoidalar

15. Saralash bosqichini o'tkazish tartibi va mezonlariga o'zgartirish kiritish

qonun hujjatlariga muvofiq amalga oshiriladi.

16. Ushbu Nizom talablari buzilishida aybdor bo'lgan shaxslar qonun hujjatlarida belgilangan tartibda javobgar bo'ladilar.

17. O'z yo'nalishi bo'yicha "Eng yaxshi" deb topilgan "Startup" mualliflari tantanali ravishda taqdirlanadi.